

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 10/1-05-_____/17
Bihać, 12.07.2017.godine

Na osnovu člana 52 Statuta Grada Bihaća („Službeni glasnik Grada Bihaća“ broj 13/15) i člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik u svojstvu predlagača propisa i drugih akata

ODREĐUJE

Izvjestioca Elminu Emrulović, dipl. ing.polj., šef Odsjeka za privredne djelatnosti u Službi za upravljanje lokalnim razvojem, na sjednici Gradskog vijeća i radnim tijelima po prijedlogu tačke dnevnog reda:

Prijedlog Rješenja o utvrđivanju liste promjenljivih članova
Komisije za koncesije USK-a za područje Grada Bihaća

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 10/1-05-5011/17
Bihać, 12.07.2017.godine

GRADSKO VIJEĆE BIHAĆ
-ovdje-

Na osnovu člana 52. tačka a) Statuta općine Bihać („Službeni glasnik Grada Bihaća“ broj 13/15), te člana 140. Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Gradskom vijeću Bihać dostavlja na razmatranje radi donošenja

RJEŠENJE
o utvrđivanju liste promjenljivih članova Komisije
za koncesije USK-a za područje Grada Bihaća

(prijedlog)

Pravni osnov

Članom 5. stav 1) i 3) Zakona o koncesijama (Službeni glasnik Unsko-sanskog kantona broj 10/03, 7/09, 19/13 i 9/17) utvrđeno je:

„Odluku o pristupanju dodjele koncesije za određeno dobro donosi Vlada Kantona na prijedlog resornog ministra.

U slučajevima kada Vlada Kantona odlučuje o dodjeli koncesije za određeno dobro na osnovu člana 3. ovog Zakona, odluku iz stava 1) ovog člana donosi Vlada Kantona na prijedlog resornog ministra i uz prethodnu saglasnost općinskog vijeća na čijem se području nalazi koncesiono dobro ili općinskih vijeća ukoliko se koncesiono dobro nalazi na području više općina.“

Članom 8. istog Zakona, utvrđeno je:

„Komisija za koncesije sastoji se od tri člana, državljana Bosne i Hercegovine i Federacije uključujući predsjedavajućeg.

Kada se pokreće postupak za dodjelu koncesija u skladu sa članom 5. stav 3) ovog Zakona, komisija iz stava 1) ovog člana broji pet članova kada se koncesiono dobro nalazi na području jedne općine, a ukoliko se koncesiono dobro nalazi na području više općina onda svaka od tih općina participira u radu komisije sa svoja dva člana. Tri člana komisije su stalni

članovi koji se imenuju u skladu sa članom 9. stav 1) ovog Zakona, a ostali članovi su promjenljivi i imenuju ih resorni ministri sa liste dostavljene od strane općinskih vijeća na čijoj teritoriji se nalazi predmet koncesije.

Lista općinskog vijeća mora sadržavati najmanje šest istaknutih stručnjaka u lokalnoj sredini iz oblasti prava, ekonomije i inženjerstva i na njih se primjenjuju ograničenja predviđena u članu 9. stav 3), 4) i 6)“

Članom 9. stav 3), 4) i 6) istog Zakona, utvrđeno je:

„Lice koje je pravosnažno osuđeno zbog krivičnog djela protiv imovine, privrede, ustavnog poretka, zloupotrebe službenog položaja ili druge odgovorne dužnosti ne može biti imenovano za člana Komisije.

Član Komisije ne smije imati direktnih ili indirektnih interesa u bilo kojoj aktivnosti koji bi doveli do sukoba ličnih interesa sa njegovim službenim dužnostima.

Član Komisije ne smije obavljati političke funkcije u toku trajanja mandata.“

Članom 10. istog Zakona, utvrđeno je:

„Članovi Komisije imenuju se na period od pet godina i mogu biti imenovani na još jedan mandatni period.

Ukoliko mjesto člana Komisije ostane upražnjeno prije isteka mandata Skupština Kantona imenuje novog člana.“

Članom 11. stav 4) istog Zakona, utvrđeno je:

„Općinsko vijeće, prilikom utvrđivanja liste za promjenljive članove Komisije u smislu člana 8. stav 2) i 3) ovog Zakona, utvrđuje visinu, osigurava sredstva i isplatu naknade za one članove koji sa te liste budu imenovani i radili kao promjenljivi članovi Komisije.“

Članom 14. stav 1) istog Zakona, utvrđeno je:

„Sredstva za rad Komisije osiguravaju se u Budžetu Kantona i budžetima općina čije je općinsko vijeće utvrdilo listu sa koje su imenovani promjenljivi članovi Komisije.“

Članom 35. tačka bb) Statuta Grada Bihaća (Službeni glasnik Grada Bihać broj 13/15) utvrđeno je da: „Gradsko vijeće u okviru samoupravnog djelokruga imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješavanja u skladu sa zakonom“.

Razlozi za donošenje

Gradskom vijeću Bihać dostavljen zahtjev Ministarstva privrede USK-a broj: 06-18-2169/17 od 22.02.2017.godine za utvrđivanje liste promjenljivih članova Komisije za koncesije, koju u skladu sa odredbama člana 8. stav 3) Zakona o koncesijama (Službeni glasnik Unsko-sanskog kantona broj 10/03, 7/09, 19/13 i 9/17) imenuje Gradsko vijeće. Kako je od posljednjeg imenovanja promjenljivih članova Komisije prošao mandatni period od pet godina, ministarstvo traži da se na jednoj od narednih sjednica donese odluka o utvrđivanju liste promjenljivih članova Komisije za koncesije za naredni mandatni period.

Rješenjem Općinskog vijeća Općine Bihać broj: 02-02-6824 od 26.05.2010.godine za promjenljive članove Komisije za koncesije USK-a za područje općine Bihać imenovani su: Edin Kulenović, dipl.pravnik, Elvis Beganović, dipl.ecc., Ibro Bosnić, dipl.ing.poljoprivrede, Fadil Šehić, dipl.ing.šumarstva, Nurija Lipovača, dipl.ing.energetike i Hasan Zulić, dipl.ing.građevine, svi imenovani na mandatni period od pet godina. Obzirom da je članovima istekao mandatni period utvrđen navedenim rješenjem, a isti nisu imenovani na još jedan mandatni period, ukazala se potreba za donošenjem novog rješenja o utvrđivanju liste promjenljivih članova Komisije za koncesije USK-a za područje Grada Bihaća.

Finansijska sredstva

Za donošenje navedenog rješenja nisu potrebna dodatna finansijska sredstva u Budžetu Grada Bihaća. Naknada za članove Komisije koji sa navedene liste budu imenovani i radili kao promjenljivi članovi Komisije, isplatit će se u skladu sa članom 7. Odluke o utvrđivanju visine naknade za vršenje funkcije vijećnika u Općinskom vijeću i radnim tijelima Općinskog vijeća („Službeni glasnik Općine Bihać“ broj 2/13).

Prijedlog

Na osnovu prednje izloženog, pravni osnov za donošenje predloženog rješenja sadržan je u citiranim članovima 5.,8.,9.,10.,11. i 14. Zakona o koncesijama i članu 35. tačka bb) Statuta Grada Bihaća, imajući u vidu da se u skladu sa članom 8. stav 3) Zakona o koncesijama vodilo računa da lista promjenljivih članova Komisije sadržava najmanje šest istaknutih stručnjaka u lokalnoj sredini iz oblasti prava, ekonomije i inženjerstva, te se Gradskom vijeću predlaže da Rješenje o utvrđivanju liste promjenljivih članova Komisije za koncesije USK-a za područje Grada Bihaća donese nakon provedenog postupka, u skladu sa Poslovníkom Gradskog vijeća.

Prilog:

1. Akt ministarstva privrede USK-a broj: 06-18-2169/17 od 22.02.2017.godine
2. Rješenje o utvrđivanju liste promjenljivih članova Komisije za koncesije USK-a za područje općine Bihać broj: 02-02-6824
3. Prijedlog Rješenja

Gradonačelnik
Šuhret Fazlić

Na osnovu člana 8. stav 2) i 3) Zakona o koncesijama („Službeni glasnik Unsko-sanskog kantona broj 10/03, 7/09, 19/13 i 9/17) i člana 35. tačka bb) Statuta Grada Bihaća („Službeni glasnik Grada Bihaća broj 13/15), Gradsko vijeće Bihać na ___ sjednici održanoj dana _____2017. godine, donijelo je

R J E Š E N J E
o utvrđivanju liste promjenljivih članova Komisije
za koncesije USK-a za područje Grada Bihaća

Član 1.

Utvrđuje se lista promjenljivih članova Komisije za koncesije USK-a za područje Grada Bihaća.

Član 2.

Za promjenljive članove Komisije se imenuju:

1. Ismar Dupanović, dipl.pravnik
2. Adis Midžić, dipl. ecc.
3. Emil Muharemagić, dipl. ing. poljoprivrede
4. Pervina Zulić, dipl. ing. poljoprivrede
5. Amir Bakrač, dipl. ing. građevine
6. Muhidin Hadrović, dipl. ing. šumarstva

Član 3.

Promjenljivi članovi Komisije iz prethodnog člana imenuju se na period od pet godina i mogu biti imenovani na još jedan mandatni period.

Ukoliko mjesto člana Komisije ostane upražnjeno prije isteka mandata, Gradsko vijeće imenuje novog člana.

Član 4.

Sredstva za rad promjenljivih članova Komisije osiguravaju se u Budžetu Grada Bihaća.

Visina i isplata naknade za članove Komisije koji sa navedene liste budu imenovani i radili kao promjenljivi članovi Komisije, isplatit će se u skladu sa članom 7. Odluke o utvrđivanju visine naknade za vršenje funkcije vijećnika u Općinskom vijeću i radnim tijelima Općinskog vijeća („Službeni glasnik Općine Bihać“ broj 2/13).

Član 5.

Rješenje stupa na snagu danom donošenja a objavit će se u Službenom glasniku Grada Bihaća.

Gradsko vijeće

Broj: _____/17

Bihać, _____ 2017. godine

Predsjedavajući Gradskog vijeća

Davor Župa